

# 11. Paaccâhtiervuodah

Tiervâ!

Tálvááh tiervuodah tääbbin Ukselmauáiváást.

Muottuuh pottii talle aabâs ääigild.  
Enâmeh já vyevdih muttojii muotâvielgâdin.  
Njuámmileh já riävskáh tälvikárvidiskuin uážuh tääl eelliđ aabâs ráávhust.  
Muotâ oolâ ittáám luodah kale adeleh oonâid,  
ete kost kulij om. Niiná-njuámmil lii njuškiistállâm,  
mutâ tom ij hirmâd pyereest uáni vielgis muottuu kooskâst.  
Riävská luodah vuod jođetteh maŋgii suávist nuubán.  
Tot muštâl, ete Riitu-riävská teikâ miinii eres riävskáid lii iállám purâmin suávi uurbijd.

Uárreeh-uv láá jo kiärguseh täälvi várás.  
Muu ustev Uábbi-uárree lonottij tolebáá čohčuv assab já lieggâsub tälvituurhâ paijaalsis.  
Uábbi-uárree tälviturkkâ ij lah vielgâd.  
Vâi lah-uv motomin uáinám vielgis uárree!/?  
Jiembra osko!

Uábbi-uárree káárvuh láá tälviv ránáseh já keessiv ruškâdeh.  
Uábbi-uárree tälvikárvoid kuleh meid tieppipeeljih.  
Keessiv uárree peeljih láá jurbâseh tego kuobžâst,  
mutâ tälviv peeljiijn láá vuohâdis, pajaskulij tarrajeijee tiepih.  
Peljitiepih syeijejeh tom kolmâsvuodâ vuástá.

Uábbi-uárree ráhtádâđâi täälvi várás meid nuuvt,  
ete raahtij tälvivuárháid muorâi ovssijd.  
Čohčuv tot nuorâi kuobbârijd muorâi uáksisuorijd.  
Tälviv tot talle ocá taid vâi puáhtá puurrâđ.  
Uábbi-uárrest lii kuittâg motomin hyenes mušto,  
ige tot kaavnâ jieijâs vuárháid.  
Talle tot luhhoost kávnâ monnii eres uárree ráhtim vuárhá.  
Uábbi-uárree porá kal meid siemâniyd paaccâhij siste.  
Uábbi-uárree lijkoo eromâšávt kuosâ paaccâhij siemânáid.  
Uábbi-uárree poorâ lii ollâgâsâst kuosâmuorâst.

Oovtâ ehidist mun jieš čiepâstim Uábbi-uárree porâkuosâ maddui.  
Sajaduvvim ehidist čieppâsân uáđđimtárguttâsâst  
já nubbe tárguttâs lâi kuldâliđ Uábbi-uárree eehidmainâs.

Uábbi-uárree čiivgah lijjii jo nuuvt stuárráh,  
ete toh assii jieijás porruustis, mutâ aabâs eeni porruu paaldâst.  
Uábbi-uárree muštâlij eehidmainâs,  
mon mun-uv lijjim sajadum kuldâlid.

Ton eehid maainâs ij lamasš ollágin jiáráskittee ige paldee eissigin.  
Ton eehid maainâs lâi enâmustáá máttáátteijee.  
Uábbi-uárree máttááttij jieijás čiivgâid, ete kalga lede šeštee,  
paaccâhijd kalga kiedâvuššâđ várugávt já siemânijđ puurrâđ šeštee vuovvijn.  
Paaccâhijd ij uážu tuhleid!

Tiäđáh-uv tun, ete maht uccâ uárreid mangii kiävä?  
Tiäđáh-uv tun, ete maht uárreeh poreh paaccâhij siemânijđ?  
Munba muštâlâm!  
Uárreečivgâ váldá kozâidis vorâs kuosâpaaccâh.  
Tot tuálá kiddâ paaccâh seegib keejist.  
Paaccâhist tot váldá meddâl oovtâ čuommâs ain häävild nuuvt, ete aalgât paaccâh assab keejist.  
Ko kávná siemmân, te tiäđust-uv piäjä tom njuolgist njálmâsis.  
”Vuo, ko lii njäälgis!  
Taid kalga finniđ lase!”, smiättá uárree.

Talle uárreečivgâ váldá vuod oovtâ čuommâs,  
kávná njálgá siemmân  
já moovtâsk ääšist nuuvt,  
ete piäjä kuohtuid kepilijđ njálmâsis!  
Hups...mahtkis talle kiävä...??? paaccâh kačča enâmân!!!!

Te, jis tun jođáh vyevdist  
já kaavnah peellin purrum paaccâhijđ,  
te tun puávtáh lede viehâ vises,  
ete uárreečiivgah láá lamasš tobbeen!

Jis tun kaavnah paaccâh,  
mii lii ávus váhá tuohu já teehi,  
te tot lii viehâ vissásávt Čuárvee-čääšni maajeeld.  
Čuárvee-čääšni špuákkát jotelávt,  
ige tast talle vaarâ lah asto puurrâđ čurgádávt.  
Te paaccâhčuomâseh sätth čujottiđ puoh váhá jieškote-uv suundán.

Čuárvee-čääšni ij toolâ paaccâh kiedâinis,  
ko tast láá tuš kyehti jyelgi, já toh láá uáivildum čuázžumân.  
Tondiet čääšni tuálvu-uv paaccâh jieijâs pááján ađai suu ráhtim muorâvuágun.  
Vuágust paaccâh piso pyereest já Čuárvee-čääšni uázžu špuákkáattiđ njunijnis  
já nuurrâđ siemânijđ njálmâsis.

Čuárvee-čääšni páájást kaččeh enâmân tuš purrum paaccâheh já paaccâhij roskeh.

Te jis tun kaavnah tuohu teehi hárrájeijee já turrájeijee paaccâh, tun tiädáh, ete Čuárvee-čášni teikâ miinii eres čaášnijd lii lamaš pargoost.

Jis tun kaavnah uáli čurgádávt jurssum paaccâhruŋgo, mast lii pááccám tuš jurbâ keeji, te porree lii viehâ vissásávt lamaš uccâ säplig. Säpligeh poreh čurgádávt.

Nubbe porá paaccâhijd, nuuvt ete tuhled, nubbe porá huáppoin já kuálmád porá čurgádávt já kuáďá uccáá ruuskijd. Tot lii tot kirjáá luándu. Hävski, ete puoh iä lah siämmáalágáneh, peic puoh láá sierâlágáneh já jieijâslágáneh. Tágárij jurduiguin mun nohádím jieččân čieppâsân Uábbi-uárree porákuosâ maddui.


*Elska*

*Paaccâhtierváttâsâid čaalij teehi Kristiina Aikio. Jurgâlus Tanja Kyrö.*

## Monnjâsaavah

1. Syelipoolispargo: Jođe šiljoost tâi vyevdist já uusâ paaccâhijd. Tuudhâ, ete láá-uv taid kiedâvuššâm uárree, čášni, säplig vai kenski miinii aaibâs iärásijd?

- a. Uárree
- b. Säplig
- c. čášni



Kove Metsä vastaa -siijđoin

2. Syelipoolispargo: Jođe šiljoost tâi vyevdist já tuudhâ, ete kaavnah-uv maidnii eres ellei puurrâmluodâid tâi eres luodâid tâi pasáttâsâid.

3. Sierâdiđ oovtâst Uábbi-uárree tälvivuárkkásierâ.

- ohtâ sierâdeijein lii tavepieggâ, iäráseh hámmejeheh riegee
  - sierâdeijeheh čuázžuh riegeest selgi olgokulij, muáđuh siisâkulij
  - juáhás piájá jieijâs kistuu seelgi tuáhá enâmân tego tälvivuárkkán
  - ton maŋa tuálih nuubij kiedâin kiddâ já moskodeh čoolmijđ. Ton puudâ tavepieggâ poso jeđe sirdá jyehe kistuu eres sajan.
  - ko tavepieggâ loppeed, te uázžu kuovlâliđ seelgi tuáhá. Tobbeen kávnoo-uv miinii iärásijd ko jieijâs kiistâ. Návt kiävä távjá meid muštottes Uábbi-uárrei!
- Uábbi-uárree vájâldit, ete kuus sun nuurâi jieijâs tälvivuárhá, mutâ kávná ain kiännii nube uárree nuurrâm tälvivuárhá. Oovtâst vijvijñ ellee já paaccâh, mon tun arvâlah, ete tot ellee lii kiedâvuššâm.

Oovtâst vijvijn ellee já paaccâh, mon tun arvâlah, ete tot ellee lii kiedâvuššâm.

Nommâ:



Säplig



Čášni



Uárree

Oovtâst vijvijn ellee já paaccâh, mon tun arvâlah, ete tot ellee lii kiedâvuššâm.

Nommâ:



Säplig



Čášni



Uárree